
Epitome Rerum Romanorum


Florus Lucius Annaeus

Title: Epitome Rerum Romanorum

Author: Florus Lucius Annaeus


This is an exact replica of a book. The book reprint was manually improved by a team of professionals, as opposed to automatic/OCR processes used by some companies. However, the book may still have imperfections such as missing pages, poor pictures, errant marks, etc. that were a part of the original text. We appreciate your understanding of the imperfections which can not be improved, and hope you will enjoy reading this book.







FLORI
ET
PATERCULI
OPERA.



Sargent.

◦ L. ANNÆI FLORI
EPITOME
RERUM ROMANARUM,

EX EDITIONE

J. FRID. FISCHERI,

SEDULÂ RECENSIONE ACCURATA.



LONDINI:

SUMTIBUS RODWELL ET MARTIN;

J. BOOKER; BALDWIN, CRADOCK, ET JOY;

G. ET W. B. WHITTAKER; J. WALKER; E. EDWARDS;

J. ROBINSON; ET B. REYNOLDS:

EXCUDIT S. HAMILTON.

1818.

KC 15980

~~L10.15~~

Harvard College Library.

Gift of

Mrs. George A. Sargent o

Mar. 26 1924

L. ANNÆI FLORI

EPITOME

RERUM ROMANARUM.

PROCEMIUM.

POPULUS Romanus, a rege Romulo in Cæsarem Augustum, septingentos per annos, tantum operum pace belloque gessit, ut, si quis magnitudinem imperii cum annis conferat, ætatem ultra putet. Ita late per orbem terrarum arma circumtulit, ut qui res ejus legunt, non unius populi, sed generis humani facta discant. Nam tot laboribus periculisque jactatus est, ut, ad constituendum ejus imperium, contendisse Virtus et Fortuna viderentur. Quare cum præcipue hoc quoque operæ pretium sit cognoscere; tamen quia ipsa sibi obstat magnitudo, rerumque diversitas aciem intentionis abruptit, faciam quod solent, qui terrarum situs pingunt: in brevi quasi tabellâ totam ejus imaginem amplectar, nonnihil, ut spero, ad admirationem principis populi collaturus, si pariter atque insimul universam magnitudinem ejus ostendero. Si quis ergo populum Romanum quasi hominem consideret, totamque ejus ætatem percenseat, ut cœperit, utque adoleverit, ut quasi ad quemdam juventæ florem pervenerit, ut postea velut consenuerit, quatuor gradus processusque ejus inveniet. Prima ætas sub regibus fuit, prope ducentos quinquaginta per annos, quibus circum ipsam matrem suam cum finitimis luctatus

est. Hæc erat ejus infantia. Sequens, a Bruto Col-
latinoque consulibus, in Appium Claudium, Quintum
Fulvium consules, ducentos quinquaginta annos patet;
quibus Italiam subegit. Hoc fuit tempus viris ar-
misque incitatissimum: ideo quis adolescentiam dix-
erit. Dehinc ad Cæsarem Augustum ducenti anni,
quibus totum orbem pacavit. Hæc jam ipsa juvenia
imperii, et quædam quasi robusta maturitas. A Cæ-
sare Augusto in sæculum nostrum haud multo minus
anni ducenti; quibus, inertia Cæsarem, quasi conse-
nuit, atque decoxit; nisi quod sub Trajano principe
moveret lacertos, et, præter spem omnium, senectus im-
perii, quasi reddita juvenute, revirecivit.

L. ANNÆI FLORI
RERUM ROMANARUM

LIBER PRIMUS.

CAP. I.

De Romulo, primo Romanorum Rege.

PRIMUS ille et Urbis et imperii conditor Romulus fuit, Marte genitus, et Rheâ Silvîâ. Hoc de se sacerdos grâvida confessa est; nec mox fama dubitavit, cum Amulii imperio abjectus in profluentem cum Remo fratre, non potuit exstingui: siquidem et Tiberinus amnem repressit; et relictis catulis lupa secuta vagitum uber admovit infantibus, matremque se gessit. Sic repertos apud arborem, regis pastor tulit in casam, atque educavit. Alba tunc erat Latii caput; Iuli opus: nam Lavinium patris Æneæ contemserat. Ab his Amulius jam bis septima soboles regnabat, fratre pulso Numitore, cujus ex filiâ Romulus. Igitur statim primâ juventas face, patruum Amulium ab arce deturbat, avum reponit. Ipse, fluminis amator, et montium, apud quos erat educatus, moenia novæ urbis agitabat. Geminj erant: uter auspicaretur, et regeret, adhibere placuit Deos. Remus montem Aventinum, hic Palatinum occupat. Prior ille sex vultures, hic postea, sed duodecim videt. Sic victor augurio urbem excitat, plenus spei, bellatricem fore: ita illi assuetæ sanguine et prædâ